



## Universitätsbibliothek Paderborn

**De Confessionibus Ritè ac fructuosè excipiendis Doctrinas  
tam generales, quàm speciales ad varios Hominum Status  
accomodatas complectens**

**Lohner, Tobias**

**Dilingæ, 1679**

Cap. III. De Prudentia Confessarii.

[urn:nbn:de:hbz:466:1-49251](#)

numerus Peccatorum queratur, si ex dictis Pœnitentis probabilitate & moraliter estimari possit. Ita Tannerus q. 9. n. 90. & Laym. c. 13. n. 7. apud & cum P. Gobat tr. 7. n. 336. additque Tannerus hunc esse communem sensum Sapientum. Secunda. Minus exactè querendus est numerus ex illo, qui multa peccata cōficitur, quam qui pauca. Nec valet haec consequentia: Si proponerem hanc quæstionem Pœnitenti, intelligerem distinctius hoc peccatum, ergo teneor illam proponere. Ita Lugo d. 16. n. 590. apud & cum P. Gobat tr. 7. n. 337. Tertia. Si certus aut probabilis numerus haberi non potest, suffici, si dicatur consuetudo peccandi, & tempus, ac frequentia in die, septimana, mense, vel anno. Ita C. Lugo, Hurt. Fill. & alii apud Busenbaum l. 6. tr. 4. du. 3. Quarta. Rustici homines, qui agresti modo confitentur sine numero ac diligentia, non sunt cogendi repetere confessiones in dictis Parochis factas; cum enim bona fide confiteantur, & uniformem rationem habeant, ex confessione unius anni facile de reliquis conjectura fieri potest, modò non evidenter constet, eos uno vel altero anno notabiliter scelestius vixisse. Ita Lugo d. 16. f. 14. n. 588. Arriaga d. 34. n. 34. & multi alii apud & cum Dian. p. 3. tr. 5. ref. 89. & p. 5. tr. 13. ref. 84.

## CAPUT III.

## DE PRUDENTIA CONFESSARIJ.

**E**TI Prudentia virtus ad omnes functiones Sacerdotum ritè perficiendas summi necessaria sit, merito tamen præ omnibus aliis necessaria creditur ad confessiones audiendas, utpote ex quibus amplissimus fructus sperari potest, si cum debita diligentia ac cautela audiantur; è contrario vero maxima pericula & damna timeri debent, si non eâ, quâ oportet, prudentiam ac zelo excipientur. Ut ergo etiam quoad hanc partem Confessarius suæ obligationi satisfacere possit, diligenter inquirere & nosse debet, in quibus potissimum capitibus prudentia ab eo observari debeat, quod non difficulter

intelliget, si meminerit, aliqua quoad propriam personam alia quoad Pænitentes, alia quoad adstantes, aspicienes, vel absentes documenta à prudentia præscribi, quæ proin distinguis *ss.* exprimentur.

## §. I.

*De Prudentia Confessarij quoad propriam Personam.*

Circa propriam Personam tria præcepta ipsi à prudentia præscribuntur. Primum est *Accurata preparatio*. Cum enim confessionum auditio non minus, immo multò magis difficultas sit, quam oratio, meritò ad illam quoque dictabat prudentia, solidam præparationem tanquam medium necessarium ad fructum obtinendum esse præmittendam, atque a deo illud Ecclesiastici luc transferendum: ante Confessionem præpara animam, & noli esse quasi homo, qui tentat Deum.

Duplex autem est hæc præparatio. Remota scilicet & proxima. Remota consistit 1. in dotibus Confessario necessariis procurandis, de quibus tum in superioribus duobus capitibus fusiūs est actum, tum etiam in hoc amplius agetur. 2. In perfecta quadam Idea, seu exemplari proponendo, secundum quod se in confessionibus audiendis dirigat, quale quidem absolutissimum Christus discipulorum pedes lavans nobis reliquit, ut infra fusiūs ostenderetur. Proxima consistit cum in ardente zelo & desiderio, hanc functionem utpote DEO & Cœlitibus gratissimam, & tam Pænitentibus, quam Confessario utilissimam, summèque consolatoriam cum magna aletate atque perfectione obeundi; tam in purissima intentione, quâ non nisi DEI majorem gloriam, & suam ac proximi salutem quærat.

Secundum est *solida asecuratio*, cùm enim teste Servatoris nihil prospicit homini, si universum mundum lucretur, anima vero sive detrimentum patiatur, merito suadet prudentia, ut certæ cautelæ adhibeantur, quibus seu corporis, seu animæ pericula efficaciter arceantur. Unde & hæc quoque asecuratio duplex erit, corporis scilicet & animæ. Corporis asecuratio requirit, ut in primis sanitatis cura habeatur, quod diuinus quis durare possit. Hinc cavendum 1. ne diu nimis la-

bor  
gat;  
ctio  
dice  
nece  
tinac  
reat;  
conf  
serv  
res p  
ten l  
man  
& Pa  
emit  
giofi  
A  
prim  
Cout  
petre  
Patte  
flos  
trus  
Bapt  
fti ap  
cord  
indu  
conf  
armi  
SS. I  
vix c  
nes  
pera  
tion  
Tim  
nes,  
Con  
mâ i  
rian  
iate

bor iste continuetur , nisi Pænitentium necessitas aliud exigit; & tum expedit interdum ita hunc laborem cum allis functionibus miscere, ut occasio deatur assurgendi, sive ad Missam dicendam, sive alio quopiam modo respirandum. 2. Ne, si necessitas corporis interruptionem suadeat, noxiā cum pertinaciā ex imprudenti pudore profecta confessionali adhæreat, & sic grave damnum corpori creet ; certè experientiā constat , non paucos per similem pudorem aut indiscretum fervorem rupturam corporis sibi accersisse. 3. Ne os & nar-  
res pænitentium ori directe obvertat, noxiūmque & fœtē-  
tem halitum in corpus trahat; hinc prudentes Confessarij non  
manum duntaxat, sed etiam strophiolum vel cottam inter se  
& Pænitentem ponunt, ut neuter halitum in faciem alterius  
emittere possit, id quod tempore pestis, aut alterius conta-  
giosi morbi præcipue observandum est.

Asscuratio animi pariter tres industrias requirit, quarum  
prima est, ut certi hunc in finem Patroni eligantur, qui tam  
Confessario, quam Pænitenti necessaria à D E O auxilia im-  
petrent, ut uterque munere suo ritè fungatur. Tales autem  
Patroni præ cæteris esse possunt B. V. Sanctus Angelus Cu-  
stos tuni ipsius Confessarij, tum Pænitentis, SS. Apostoli Pe-  
trus & Paulus, S. Maria Magdalena, & præcipue S. Joannes  
Baptista, ut cuius officium jam olim erat Præcursorum Chri-  
sti agere, & per pænitentia prædicationem eidem viam ad  
corda hominum & peccatorum maximè præparare. Secunda  
industria est, ut contra tentationes, quæ occurrere solent in  
confessionibus audiendis, tum generalibus, tum specialibus  
armis se egregie munit. Et generalis armaturæ loco, DEI &  
SS. Patronorum præsentia præ cæteris servire poterit, quia  
vix quidquam efficacius reperitur, tum ad varias imperfæctio-  
nes vitandas, tum ad difficultates occurrentes generosè su-  
perandas. Specialia verò arma contra tres præcipue tenta-  
tiones præparanda sunt, nempe Sensualitatis, Impatientiæ, &  
Timiditatis; ad has enim tres species, omnes ferè tentatio-  
nes, quas Confessarii plerumque pati solent, revocari possunt.  
Contra primam itaque armari oportet Confessarium purissi-  
mâ intentione, quâ nihil aliud querat, nisi majorem DEI glo-  
riam, animarū salutem, & obedientiæ exercitium; hæc enim  
intention faciet, ut & in ipsis Pænitentibus Christi Personam &

imaginem consideret, atque adeò ad reverentiam potius & sinceram charitatem, quād ad ullam sensualitatem inclinatur, atque adeò non aliter, quād is, qui similis Filio DEI tres Pueros Babylonicos in fornace Babylonica à flammis consumdivit, ab eadem à temptationibus carnis defendatur. Contra secundam optimum erit remedium D E I & Proximi amoris enim faciet, ut & omnes molestias promptè fortiterque suscipiat, ac sustineat, & ut Pænitentes perinde ac seipsum considerans, piā quādam erga illos miseratione moveatur, atque adeò Christiana potius mansuetudine, quād aspera correctione curare studeat. Quem in finem non parum prodrit, si ex libello de imit. l. i. c. 16. səpiùs & accuratè perlegat. Contra tertiam optimum erit remedium, si timore DEI timorem humanum velut clavum clavo pellere conetur, ideoque illud sibi Christi monitum applicet: Nolite timere eos, qui occidunt corpus, animam verò non possunt occidere, sed potius timete eum, qui potest & corpus & animam mittere in Gehennam. Aut illud Thomæ Kemp. l. 3. c. 36. Quis es tu, ut timeas à mortali homine? Hodie est, & cras non compareret. DEV M time, & hominum terrores non expavesceret. Tertia industria est seria imploratio auxiliū divini, tum ante confessionem, tum in ipsa per ardenter vota & suspiria, tum post ipsam petendo veniam errorum admissorum gratiamque ad eos deinceps emendandos.

Tertium præceptum à Prudentia præscriptum est proprium *Melioratio*, quæ in eo consistit, ut Confessarius novos ex confessionibus auditis concipiatur stimulus ad triplicem viam perfectionis alacrius decurrentam. Et i. quidem in via purgativa, dum alios sua peccata explicantes audit, corumque gravitatem ac turpitudinem illis demonstrat, atque ad illa radicibus extirpanda hortatur, meminerit, se ijsdem aut gravioribus vitijs subiectum esse, atque adeò Pænitentes retorquere in illum omnia illa salutaria monita ac dicere: Medice, cura te ipsum. Secundò in via illuminativa, dum alios tam tenerā conscientiā, aliisque virtutibus præditos efficit, erubescat ex corde, quod ipse tot medijs & occasiōibus instructus à DEO, tantum tamen profectum non fecerit, nec DEI & felicitatis amore ea præstiterit, quæ alij naturalibus səpe motivis impulsū sine difficultate magna effecerunt.

runt. Specialiter verò meminerit, quantum solatium capere soleat, si aliquem ex Pænitentibus, suis consiliis persuasum magna cum alacritate virtutum studium amplecti, & insig-  
nem in eo fructum facere adverrat; & inde concludat, quan-  
to majorem animi voluptatem ipse sit percepturus, si se ipsum  
ad similem profectum faciendum induixerit. Tertiò in via  
unitiva, dum advertit, quām amanter & liberaliter Deus Pæ-  
nitentibus peccata dimittat, atque inde occasionem sumit, eos  
hortandi, ut, quemadmodum illis cum S. Maria Magdalena  
remissa sunt peccata multa, ita & diligere multūm studeant,  
hunc ipsum stimulum in se convertat, & sicut magnitudinem  
remissorum sibi peccatorum, multitudinemque longè majo-  
rem advertit, ita majoris quoque erga DEVUM, Christūmque  
charitatis exercendæ motu vum arripiat.

## §. II.

### *De Prudentia Confessarij circa Pæniten- tes exercenda.*

Etiam circa hos tria præcepta Prudentia præscribit. Pri-  
mum est *cauta interrogatio*, quæ in eo potissimum consistit,  
ut ea, quæ priori capite circa materiam, modum & tempus  
examinandi dicta sunt, accuratè observet, ne anxiis & in-  
discretis quæstionibus sibi & Pænitenti gravius hujus Sacra-  
menti administrandi, vel recipiendi onus imprudenter ef-  
ficiat.

Secundum est *solida instrucción*, quæ in tribus præcipue sita  
est. 1. In dubiis solvendis, ubi vel maximè prudentia sua-  
det, ut dubium bene intelligere studeat; ut non præcipitanter  
respondeat, sed, nisi certus sit de veritate responsi, tempus pro  
consideratione (si quidem circumstantiæ id patiantur) petat;  
nec sibi fidat nimiū, sed alios etiam, quantum salvo secreto  
& sigillo fieri potest, consulat: non plus certitudinis suæ do-  
ctrinæ, quām à parte rei ea mereatur, attribuat: nec facilē  
aut promiscuè scripto dubia talia resolvat. 2. In consiliis  
dandis, in quibus prudentia dicitur, ut ante omnia juvet Pæni-  
tentes in statu, si nondum id fecerint, eligendo: ut ad celerem  
vocationis executionem discretè urgeat, atque in impedi-

mentis fortiter removendis auxilietur: & tandem, ut modum solidum ostendat, quo quisque se in suo statu magis in die perficiat, & majorem cælestium gaudiorum, gratiarumque cumulum procuret; huc enim omnia prudentis Confessarii confilia collimare oportet.

Tertium est *discreta correctio*, quæ pariter in tribus præcipue capitibus constituit. 1. In pænitentiæ salutaris prudentiæ præscriptione, ut nimis ad quantitatem peccatorum, & rituum Pænitentis ante omnia respectus habeatur. 2. In mediiorum, quibus à lapsu ulteriori Pænitens præservetur, charitativa suggestione, ubi præcipue suader prudentia, ut ante omnia radix peccatorum inquiratur, atque ad eam extirpandam universa media dirigantur. 3. In voluntatis ad dicta media apprehendenda zelosa excitatione, quod potissimum fiet, si fœditas & damna peccatorum ex una parte, ex altera vero virtutum dignitas & commoda clarè solidèque demonstrantur, & illorum quidem fatale odium, harum vero insignis æstimatio & desiderium animis ingeretur; quorum omnium praxis ex ijs, quæ toto capite secundo fusiùs dicta sunt, haud difficulter addiscetur.

### §. III.

#### *De Prudentia Confessarij circa alias Personas.*

Intellige distinctas ab ipso Confessario, & Pænitentibus quæ ad tres classes revocari possunt.

Prima classis est aliorum Confessariorum, qui vel in eodem templo & loco, aut certè in aliis confessiones pariter excipiunt, circa quos tria documenta servanda suggerit prudentia. Primum est, *uniformitas in modo procedendi*, ubi qui vis Confessarius applicare sibi deberet saluberrimam illam regulam, quam Societas Jesu suis Confessariis in hæc verba præscribit: Modum ea Sacraementa ministrandi, quæ Sacerdotes nostre Societatis tractare solent, perspectum omnes habeant, inoque uniformes sint, quantum Regionum varietas patient; formam ramen & rationem absolvendi ab excommunicacione, & aliis censuris & peccatis eandem omnes sequantur, attendantque, ne ex modo utendi facultatibus Societatis, Ordinarij & Parochi jure offendì possint. Secundum eff. charta

tas in mutua honoratione; quam iterum Societas Je-  
sus uis  
Confessariis per hanc notatu dignissimam regulam commen-  
dat: Confessarij inter se ipsos, & in modo procedendi cum  
Pénitentibus conformes esse current, & quantum res tulerit,  
ita aliorum Confessariorum existimationi unusquisque con-  
sular, ut omnes intelligant, mutuo charitatis vinculo Socie-  
tatis Confessarios in Christo esse colligatos. Quam totam re-  
gulam sibi quoque latam oinnes ejusdem Dicecessis aut Capi-  
tuli Sacerdotes judicare deberent. Tertium est *Communica-  
tio liberalis laborum & fructuum*, quæ requirit, ut, si quis al-  
terum Confessarium copiosos fructus referre ex sua segete ad-  
vertit, non in videat, sed potius ex animo gratuletur, dicátque  
cum S. Davide: Particeps ego sum omnium timientium te, &  
custodientium mandata tua: item ut, si quis uni confiteri so-  
litus, ab eodem alium Confessarium adeundi facultatem pe-  
tierit, vel ea non petitâ adierit, id sibi gratum esse benignè  
ostendat: ut interdum ultrò alios in societatem laborum in-  
viter, vel Pénitentes ad ipsum dirigat.

Secunda classis est adstantium, vel etiam aspicientium ex  
remoto loco Confessarium; circa quos prudentia dicit sequentia monita. 1. Ut non clarè nimis loquatur, ne adstan-  
tes contra voluntatem nonnunquam peccata audire cogan-  
tur, & quod pronissimum est, ipsimet postea à confessione tal-  
li Sacerdoti facienda absterreantur. 2. Ut neque gestibus  
manuum aut pedum signa varia prodat, ex quibus ij, qui ea vi-  
suri essent, in cognitionem cuiusdam peccati venire, aut certè  
displacentiae, offenditionisve occasionem arripere possent. 3.  
Ut, si multos adesse advertat, qui confiteri velint, citò se ex-  
pediat, atque adeò ab omnibus non necessariis quæstionibus,  
instructionibus, adhortationibus abstineat, imò etiam in o-  
rationibus pro absolutione dici solitis, solam illam, quæ es-  
sentialia verba absolutionis continet, recitat, vel si nihius sit  
accursus, omnino illa tantum verba: Ego te absolvo à pecca-  
tis tuis in nomine Patris &c. pronuntiet, uti Diana & Busen-  
baum suadent.

Tertia classis est absentium, circa quos etiam tria monita  
suggerit prudentia. 1. Ut, nisi evidens necessitas aut utili-  
tas aliud suadeat, non facilè de eorum moribus aut factis lo-  
quatur; multò minus verò ( si id officium non exigat) omni-  
no in

no in eosdem inquirat, aut temerarie de illis judicium feru.  
2. Ut, ubi varias de ipsis querelas audierit, eas non statim cre-  
dat, sed vel excuseret, vel certe ab iis tanquam ad se non pen-  
tentibus judicium suspendat. 3. Ut, si quos occultas vel  
apertas cum suis Pænitentibus inimicitias portare ad vertent,  
omnem industriam adhibeat, ut iterum inter se concilientur,  
mediisque stabiliendæ concordiæ ab eo præscripta sedulo &  
constanter usurpent.

## §. IV.

Quomodo supradictæ doctrinæ in praxi  
sint redigendæ?

Dictum est supra inter alia capita, quæ ad præparationem  
remotam requiruntur, etiam Ideam esse, quam quisque in  
confessionibus audiendis ob oculos sibi ponat, & totis viribus  
imitari studeat, pro hac autem commodissime servire posse  
exemplum Christi pedes discipulorum lavantis. Ut ergo hanc  
Ideam Confessarius usurpare sciat, simile compendium su-  
pradicatarum doctrinarum habeat, breviter ostendere oportet,  
quid in dicta Idea potissimum considerandum, & imitatione  
exprimendum videatur.

I. Itaque sicut Christus antè, quām lotionem pedum inci-  
peret, aquam & omnia necessaria præparari jussit, ita & Con-  
fessarius operam dare debet, ut, quidquid ad confessiones le-  
gitimè audiendas requiritur, puta scientiam, jurisdictionem,  
virtutem, rīrē præparata habeat.

II. Sicut Christus ante lotionem linteo mundo se cincti,  
ita Confessarius priùs, quām ad confessiones audiendas se  
conferat, mundâ conscientiâ, firmissimōque castitatis ser-  
vandæ proposito accinctus sit, oportet.

III. Sicut Christus ante eandem lotionem genua flexi,  
ita Confessarius idem faciat, & per ardenter orationem sibi  
ac Pænitentibus copiosam à DEO gratiam pro hoc tam arduo  
opere petat.

IV. Sicut Christus magna cum humilitate, patientiâ, &  
charitate omnibus suis discipulis pedes lavit, ita & ipse actua-  
lem peccatorum auditionem, velut sordium ablutionem cum  
similibus virtutibus aggrediatur.

V. Sicut Christus ab ablutis pedibus linteo aquam abster-  
fit, ita

it, ita Sacerdos peccata audit aper absolutionem Sacramen-  
talem abstergat, & ne deinceps iterum eosdem sordidos per  
peccata efficiant, suaviter simul & efficaciter hortetur.

VI. Sicut Christus nullum inter discipulos discriminem fe-  
cit, sed Judæ tam bene ac Petro & Joanni pedes lavit; ita Con-  
fessorius quoque omnes Pænitentes æquali charitate ac bene-  
volentia complectatur, atque ad confessionem faciendam  
promiscuè admittat.

VII. Sicut Christus post lotionem cibo salutari eos refe-  
cit; ita Confessorius quoque post explicata peccata cibo salu-  
taris doctrinæ Pænitentes reficere, & utili adhortatione re-  
creatos dimittere studeat.

§. V.

Quid Confessario post confessiones auditas  
faciendum sit?

I. Agat DEO gratias pro collato sibi & Pænitentibus auxi-  
lio ad hoc Sacramentum ritè administrandum vel suscipien-  
dum, novaque tibi & illis auxilia emendicet ad faciliorem  
propotorum executionem.

II. Exerceat varios actus humilitatis, credens se longè  
magis ingratum esse omnibus suis Pænitentibus ob majus lu-  
men, uberiora auxilia, plura & efficaciora præsidia, quibus  
tam segniter cooperatur.

III. Reflectat se, & examinet, num quid omiserit, vel ne-  
glexerit ad munus suum pertinens. Quod si errasse se depre-  
hendat, doleat, proponaturque, prout necessarium videbitur,  
seriam emendationem; si nihil occurrat, divinæ bonitati  
gratias agat.

IV. Conetur oblivisci omnium auditorum in confessione,  
& surda aure recurrentes species, molesteque allatrantes per-  
transilire.

V. Secreti sit tenacissimus, ita, ut neque in genere quidem  
audit in confessione unquam loquatur, nisi cum summa  
circumspecione. Ad hoc proderit saepius illa sigilla (seu ti-  
tulos, quibus ad secretum servandum obligatur) perpendere,  
nempe sigillum seu titulum præcepti naturalis, præcepti di-  
vini, præcepti Ecclesiastici, justitiae, religionis, charitatis,  
sædelitatis; his enim sigillis omnia peccata in confessione au-  
ditæ claudi & obsignari oportet.

PARS